

周  
禮  
補  
注

周禮補注卷第五

旌德呂飛鵬雲里學

秋官司寇

蜡氏注骨肉腐臭蠅蟲所蜡也蜡讀如狙司之狙漢  
讀攷說文虫部曰蜡蠅胆也周禮蜡氏掌除骹肉部  
曰胆蠅乳肉中也此注所蜡也當作所胆也謂蠅所  
聚乳也

司烜氏注烜火也讀如衛侯燬之燬故書燬爲烜鄭司  
農云當爲烜漢讀攷今本經文作烜依注故書燬  
爲烜訂之知經文作燬故書作烜司農易烜爲燬而

後鄭從之絕無烜字也煨讀如衛侯煨之煨者言其  
音義同耳說文徐鉉本燿字下列烜字云燿或從亘  
徐鍇本兩字不相屬火部之末出烜字云或與燿同  
蓋許書本無烜字淺人用誤本周禮偶記於火部末  
而鉉因移附燿字下也

條狼氏注杜子春云條當爲滌器之滌元謂滌除也狼  
狼扈道上 干寶注今卒辟車之屬

劉昭續漢志注  
素注周官作滌

狼氏

冥氏注司農云冥讀爲冥氏春秋之冥元謂冥方之冥  
漢書儒林傳泰山冥都傳顏氏公羊春秋故顏氏

有筦冥之學案此卽先鄭所本 惠棟云夏本紀禹  
姒姓後有冥氏 段玉裁云冥方卽算法之方冪也  
釋文曰冥莫歷反此音當專屬後說

翬氏注翬鳥翮也鄭司農云翬讀爲翹翼之翹 案說  
文翬鳥之彊羽猛者此經翬氏職掌攻猛鳥故取鳥  
之猛者以名官翬翅雖同聲而義有別說文云翬翼  
也或從氏作翬

雉氏注書雉或作夷鄭司農云掌殺草故春秋傳曰如  
農夫之務去草芟夷蒞崇之又今俗閒謂麥下爲夷  
下言芟夷其麥以其下種禾豆也元謂雉讀如髻小

兒頭之髻書或作夷此皆翦草也字從類耳月令曰  
燒薙行水謂燒所芟草乃水之 漢讀攷釋文曰薙  
字或作雉此當云雉或作薙而倒亂之岳本云薙本  
作雉是也古音雉與夷音同左傳五雉夷民者以夷  
釋雉楊雄賦辛雉卽辛夷服虔曰雉夷聲相近司農  
從作夷之本至鄭君從雉不從夷讀如髻小兒頭之  
髻其釋夏日至而夷之曰以鉤鐻迫地芟之是卽如  
髻小兒頭之說也 案說文雉古文從弟作𠂔故後  
鄭云雉讀爲髻薙氏職云夏日至而夷之月令注引  
作夏日至而雉之此可爲雉夷相通之確證

哲族氏注鄭司農云哲讀爲擿族讀爲爵族之族謂巢也元謂哲古字從石折聲 說文哲上摘山巖空青珊瑚墮之從石折聲周禮有哲族氏 案賈疏云後鄭意以石物等投擿爲義是鄭與許同也漢讀攷云折當作析析聲適聲同在古音十六部哲爲擿之古字則知必析聲也

赤友氏注赤友猶言抹拔也主除蟲豸自埋者 說文引作魃鬼部云魃旱鬼也從鬼友聲周禮有赤魃氏除牆屋之物也詩曰旱魃爲虐 案說文引詩解旱鬼之義引此經赤魃氏別爲一義故釋之曰除牆屋

之物也鄭注云赤发猶言抹拔疏云除去之也是鄭注與許云除牆屋之物義同說文手部抹裂也拔擢也

蝮氏注鄭司農云蝮讀爲蜮蜮蝦蟇也月令曰螻蝮鳴故曰掌去鼃黽蝮蝦蟇屬書或爲掌去蝦蟇元謂

蝮今御所食蛙也字從虫國聲也蜮乃短狐與

慎言案蝮

字從或得聲或域也故書蝮或有省作蜮者司農當云蜮讀爲蝮蝮蝦蟇也故下引月令以證如經本作蝮而司農讀蜮訓爲蝦蟇則與下引月令之文不相應矣後鄭分別蜮蝮此增足先鄭義非厥先鄭也然賈疏云先鄭讀蝮爲蜮則所見已是誤本案說文蜮短狐也似鼃三足

以氣射害人蝮蜮又從國是以蝮與蜮爲一物鄭君

則謂蝸今御所食蛙蟻乃短狐蓋別蝸與蟻爲二物  
矣漢制攷引霍山曰丞相擅減宗廟羔菟鼃以證今  
御所食蛙卽此鼃也

銜枚氏注銜枚止言語囂譁也枚狀如箸橫銜之爲之  
繯結於項 案大司馬注云枚如箸銜之有繯結項  
中軍法止語爲相疑惑也義與此同顏師古注漢書  
高帝紀引作繯結於項云繯者結礙也絜繞也爲結  
紐而繞項也毛詩勿士行枚傳云枚微也胡氏承琪  
後箋云枚微者蓋訓枚爲徽也說文無繯字支部鼓  
戾也玉篇繯乖戾也合言之則爲鼓懂廣雅釋訓鼓



懂乖刺也又作緯繡離騷忽緯繡其難遷王注緯繡  
乖戾也又作徽爐馬融廣成頌徽爐霍奕別驚分奔  
是則銜枚於口組繫兩頭分紐於項有違戾結縶之  
意行枚者謂銜徽徽取徽爐亦取止義爾雅釋詁徽  
止也枚所以止言語謾謔者故亦可訓徽

大行人中大夫二人下大夫四人 禮記檀弓陳太宰  
誣使於師夫差謂行人儀曰是夫也多言注行人官  
名 左傳襄公四年韓宣子使行人子員問之注行  
人通使之官 國語周語敵國賓至關尹以告行理  
以節逆之注理吏也行理小行人 案春秋諸國皆

有行人而不言大小則諸侯僅立行人之官通掌其事不得比於天子也國語注以行理爲小行人者據此輕小行人職掌賓客言之其實行理與行人一也環人注環猶圍也案周官環人有二夏官環人注云環猶卻也蓋取卻敵之義此注云猶圍也蓋取環繞之義

象胥

干寶注今鴻臚

劉昭續漢志注

續漢志大鴻臚卿一

人中二千石丞一人比千石

大司寇職詰四方

馬融云詰猶窮也窮四方之姦也

尚書周官疏

注書曰王耗荒度作詳刑以詰四方 耗荒羣經音辨  
作耗荒北宋釋文同今本釋文作旄荒漢刑法志作  
眊荒今本呂刑作耄荒 案鄭君太宰職注亦引呂  
刑語較今本多詳字

刑平國用中典刑亂國用重典 漢刑法志墨罪五百  
劓罪五百宮罪五百剕罪五百殺罪五百所謂刑平  
邦用中典也墨罰之屬千劓罰之屬千髡罰之屬五  
百宮罰之屬三百大辟之罰其屬二百五刑之屬三  
千蓋多於平邦中典五百章所謂刑亂邦用重典者  
也

以圜土聚教罷民注圜土獄城也 駁異義云獄者獨  
也囚證於刑核之處周禮謂之圜土 詩行露正義 鄭注司  
圖引國語曰罷士無伍罷女無家言爲惡無所容入  
也

入束矢于朝注古者一弓百矢束矢其百个與 案詩  
束矢其搜傳云五十矢爲束淮南汜論篇曰訟而不  
勝者出一束箭高誘注箭十二爲束也云五十矢爲  
束者蓋本荀子議兵篇負服矢五十个爲說也云箭  
十二爲束者據射義三發四矢共十二矢爲說也與  
此注異

以邦成弊之注邦成八成也鄭司農云邦成謂若今時  
決事比也 晉志漢時決事集爲令甲以下三百餘  
篇 惠氏古義士師職云掌士之八成先鄭云行事  
有八篇若今之決事比則八成謂邦汭邦賊以下八  
事賈疏以爲小宰之八成非也東觀漢記鮑昱傳云  
時司徒例訟久者至十數年比例輕重非其事類錯  
雜難知昱奏定決事都目八卷以齊同法令息遏民  
訟則知漢時決事雖多至三百餘篇其都目以八篇  
爲率故先鄭引以爲證

大軍旅泣戮于社注社謂社主在軍者也鄭司農說以

書用命賞于祖不用命戮于社 日知錄孔安國云  
天子親征必載遷廟之祖主及社主行有功則賞祖  
主前示不專也不用命奔北者則戮之於社主前社  
主陰陰主殺親祖嚴社之義也記曰社所以神地之  
道意古人以社爲陰主若其司刑殺之柄者故祭勝  
國之社則士師爲之尸而王莽之將亡赦城中囚徒  
授兵殺豨飲其血曰有不爲新室者社鬼記之宋襄  
公季平子皆用人於社而亡曹之夢亦曰立於社宮  
宰我戰栗之對有自來矣

凡邦之大事使其屬趨注故書趨作避杜子春云避當

爲辟謂辟除姦人也元謂趨止行也 漢讀攷趨今  
本作蹕惟釋文從走與說文合周禮全書蹕字皆轉  
寫失其正也杜從作避之本而改爲辟鄭君從今書  
作趨飛鵬案小司寇職大賓客前王而辟凡國之大  
事使其屬蹕辟與蹕並見知其制不同

小司寇詢立君注謂無冢適選於庶也 昭二十六年  
傳王后無適則擇立長年鈞以德德鈞以卜王不立  
愛公卿無私古之制也何休以左氏爲短鄭康成箴  
之曰年鈞則會羣臣羣吏萬民而詢之有司以序進  
而問大眾之中非君所能掩是王不得立愛之法也

禮有詢立君示義在此

太卜疏

議親之辟注鄭司農云若今時宗室有罪先請是也  
漢書平帝紀元始元年令公列侯嗣子有罪耐以上  
先請 續漢書百官志宗室若有犯法當髡以上先  
詣宗正宗正以聞乃報決

議賢之辟注鄭司農云若今時廉吏有罪先請是也  
漢書宣帝紀黃龍元年詔曰舉廉吏誠欲得其真也  
吏六百石位大夫有罪先請

議能之辟 說文罷遣有臯也從网能言有賢能而入  
网而貫遣之周禮曰議能之辟



議貴之辟鄭司農云若今時吏墨綬有罪先請是也

惠氏古義引後漢光武紀云建武二年詔曰吏不滿  
六百石下至墨綬長相有罪先請蔡邕橋公碑云遷  
齊相臨淄令賂財賊多罪正受鞠就刑竟以不先請  
免官

以施上服下服之刑注上服劓墨也下服宮刖也 案  
疏云墨劓施於面故爲上服宮刖施於下體故爲下  
服是以人身之上下分上下服非也尙書呂刑云上  
刑適輕下服下刑適重上服傳曰重刑有可以虧減  
則之輕服下罪一人有二罪則之重而輕并數蓋以

重刑釋上刑以輕刑釋下刑對上刑言之曰下服是  
輕於上刑也對下刑言之曰上服是重於下刑也上  
服下服當以罪之重輕爲上下鄭注大傳云數罪以  
上一罪刑之是鄭解下刑適重上服與傳同也 惠  
氏禮說上服下服服讀爲附王制曰附從輕小司寇  
亦曰麗邦法附刑罰附者律之比例下附謂小比上  
附謂大比所謂上下比舉必察小大之比以成之者  
也

大賓客前王而辟鄭司農云若今時執金吾下至令尉  
奉引矣 惠氏古義引續漢書輿服志云乘輿大駕

公卿奉引大僕御大將軍參乘乘輿瀛駕公卿不在  
鹵簿中河南尹執金吾雒陽令奉引奉車郎御侍中  
參乘

孟冬祀司民 通典載開元禮立冬後亥日祀司中司  
命司人司祿於國城西北有司行事每座象樽二於  
壇上東南隅北向皆有坵以西爲上設司中司命司  
人司祿神座於壇上近北南向以西爲上獻司人祝  
文曰星紀已周兆庶甯阜備茲燭吉永薦馨香飛鵬  
案司人卽司民避太宗諱改祀司民於立冬後遵周  
典也祝之曰兆庶甯阜重民也

士師職四曰野禁注野有田律 呂氏春秋上農篇庶

人不冠弁娶妻嫁女享祀不酒醴聚衆農不上聞不  
敢私籍於庸爲害於時也然後制野禁苟非同姓農  
不出御女不外嫁以安農也野禁有五地未辟易不  
操麻不出蠶齒年未長不敢爲園囿量力不足不敢  
渠地而耕農不敢行賈不敢爲異事爲害於時也然  
後制四時之禁山不敢伐材下木澤人不敢灰繆繹  
網罟罾不敢出於門罾罟不敢入於淵澤非舟虞不  
敢緣名爲害其時也若民不力田墨乃家畜

穆案墨同減減

沒也

以比追胥之事注胥讀如宿脩之脩脩謂司搏盜賊也  
漢讀攷司搏與伺搏同漢人多以司爲伺以搏爲  
捕小司徒注作伺捕

邦灼注鄭司農云灼讀如酌酒尊中之酌邦灼者斟酌  
盜取國家密事若今時刺探尙書事 惠氏古義詩  
正義云灼與酌古今字周頌酌左傳作灼公羊傳八  
年經云鄭伯乞盟傳云蓋酌之也注云酌挹也穀梁  
作灼是灼爲挹取之義沈約曰寫書謂之刺漢制不  
得刺尙書是也後漢書楊倫傳尙書奏倫探知密事  
應劭風俗通云司徒韓演伯南爲丹楊太守坐從兄

季朝爲南陽太守刺探尙書演法車徵蓋漢律有此條故鄭據以爲說

若邦凶荒則以荒辯之遽治之注辯當爲貶聲之誤也  
鄭注玉藻立容辯卑云辯讀爲貶

鄉士異其死刑之罪而要之注要之爲其罪法之要辭  
如今劾矣 服虔注左傳曰施罪於邢侯施猶劾也  
左傳疏漢世名斷獄爲劾

三公若有邦事則爲之前驅而辟注鄭司農云鄉士爲  
三公道也若今時三公出城郡督郵盜賊道也 漢  
讀攷督郵官名也釋名曰督郵主諸縣罰負郵殿糾

攝之

見廣韻

盜賊似衍字郡督郵爲三公導若鄉士爲

三公導也

方士以時修其縣瀆注縣法縣師之職也 禮箋稍人

治公邑邱甸之政故以縣師之法作其同徒輦輦以  
聽於司馬其都家之戒令則都司馬家司馬掌之以  
聽於國司馬縣師之法不及於都家方士掌都家不  
當修縣師之法士師之職掌國之五禁之法以左右  
刑罰書而縣於門閭方士以時修之所謂修其縣法  
如此

訝士凡四方之有治於士者造焉注如今郡國亦時遣

主者吏詣廷尉議者 惠氏古義案此請讞之法當  
在漢興律篇中胡廣漢官篇解詁曰廷尉當疑獄漢  
書景帝紀後元年詔曰獄疑者讞有司有司所不能  
決移廷尉有令讞而後不當讞者不爲失杜周傳云  
周爲廷尉二千石繫者新故相因不減百餘人郡吏  
大府舉之廷尉一歲至千餘章大者連逮證案數百  
小者數十人遠者數千里近者數百里會獄注云舉  
皆也言郡吏大府獄事皆歸廷尉也陳湯傳廷尉增  
壽議以爲臣下承用失其中故移獄廷尉如淳曰移  
獄廷尉如今讞罪輕重于定國傳定國爲廷尉冬月



治請讞飲酒益精明是漢時疑獄皆讞於廷尉後漢  
襄楷上疏曰頃數十歲以來州郡玩習又欲避請讞  
之煩輒託疾病多死牢獄蓋自安順而後請讞之法  
稍弛矣

朝士掌建邦外朝之灋注明堂位說魯公宮曰庫門天  
子皋門雉門天子應門言魯用天子之禮所名曰庫  
門者如天子皋門所名曰雉門者如天子應門此名  
制二兼四則魯無皋門應門矣檀弓曰魯莊公之喪  
既葬而經不入庫門言其除喪而反由外來是庫門  
在雉門外必矣如是王五門雉門爲中門雉門設兩

觀與今之宮門同闢人幾出入者窮民蓋不得入也  
郊特牲譏釋於庫門內言遠當於廟門廟在庫門之  
內見於此矣小宗伯職曰建國之神位右社稷左宗  
廟然則外朝在庫門之外皋門之內與今司徒府有  
天子以下大會殿亦古之外朝哉 干寶注禮司徒  
府中有百官朝會殿天子與丞相決大事是外朝之  
存者 劉昭續漢志注 飛鵬案地官橐人注亦引漢法如此  
義宗周禮天子諸侯皆有三朝一曰外朝二曰中朝  
三曰內朝其中朝之名或內或外若據外朝而言謂  
之內朝故鄭注文王世子云諸侯外朝一內朝二是

也三朝之最外爲外朝是決獄聽訟之朝也中朝者人君旦夕視政見卿大夫之朝也所謂辨色而入者在此朝也內朝者路寢也人君視政退而居於此待諸侯之復逆也視卿大夫退然後適燕寢所謂大夫夙退無使君勞在此朝也諸侯三朝路寢爲內朝中朝在路門之外外朝在應門之外天子皋門內有外朝面有三槐左右各有九棘近庫門則有三府九寺庫門之內則有宗廟社稷雉門之內有兩觀觀外亦有詢事之朝在宗廟社稷之間雉門內有百官宿衛省也應門之內有中朝中朝東有九卿室是九卿治

事之處故攷工記云外有九室九卿治之朝畢則入而治事夕則歸於庫門外外朝之法朝有疑獄王集而聽之飛鵬案鄭君注小司寇云外朝朝在雉門之外者也疏云在雉門之外則亦在庫門之外也此注云外朝在庫門外皋門內是小司寇所掌之外朝與朝士所掌之外朝一也崔氏旣云皋門內有外朝面有三槐左右各有九棘又云雉門之內有兩觀觀外亦有詢事之朝在宗廟社稷之間是以皋門內之外朝爲朝士所掌之外朝又以兩觀外詢事之朝爲小司寇所掌之外朝一外朝也而分爲二蓋由誤會康

成小司寇注故也此疏云後鄭引小宗伯者見社廟在中門外既然中門外有社稷宗廟在於左右不得置外朝可知若然則社稷宗廟之間豈復有詢事之朝乎

凡士之治有期日期內之治聽期外不聽注鄭司農云若今時徒論決滿三月不得乞鞠 惠氏古義鄧展曰漢律有故乞鞠司馬貞案晉令云獄結竟呼囚鞠語罪狀囚若稱枉欲乞鞠者許之也新律序云二歲刑以上除以家人乞鞠之制省所煩獄也二歲刑謂耐以上此魏世所改

凡民同貨財者令以國法行之犯令者刑罰之注今時  
加責取息坐臧 惠氏古義漢書王子侯表云旁光  
侯殷坐取息過律免陵鄉侯訢坐貸穀息過律免息  
有程限過律則坐臧也

司民司寇及孟冬祀司民之日獻其數于王王拜受之  
登于天府內史司會冢宰貳之 徐幹中論治平在  
庶功興庶功興在事役均事役均在民數周民數周  
爲國之本也故周禮孟冬司寇獻民數於王王拜受  
之登于天府內史司會冢宰貳之其重之也如是人  
數者庶事之所自出也莫不取正焉以分田里以令

貢賦以造器用以制祿食以起田役以作軍旅國以  
建典家以言度五禮用修九刑用措其唯審人數乎  
司刑劓罪五百 賀述禮統劓刑法木勝土決其皮革  
也 御覽

刖罪五百注刖斷足也周改臙作刖 鄭駁異義皋陶

改臙爲刖呂刑有刖周改刖爲刖

公羊襄二十九年疏 陳氏疏

證云鄭于周禮司刑注尙書大傳注皆云周改臙作  
刖者原始言之駁異義云周改刖爲刖則審矣今文  
尙書臙呂刑以臙爲刖失之臙者白虎通云脫其臙  
也判說文作跂跂也跂斷足也是臙與刖異法

注鄭司農云漢孝文帝十三年除肉刑 疏所赦者惟  
赦墨劓與剕三者其宮刑至隋乃赦也 惠氏古義  
尙書正義曰漢除肉刑除墨劓剕耳宮刑猶在大隋  
開皇之初始除男子宫刑婦人猶閉於宮崔浩漢律  
序曰文帝除肉刑而宮不易張斐律注云以淫亂人  
族序故不易也棟案漢書鼂錯對策曰除去陰刑張  
晏曰宮刑也則漢文亦除宮刑矣或後仍復之賈孔  
之說蓋本崔張

司刺壹赦曰幼弱再赦曰老旄三赦曰蠢愚注鄭司農  
云幼弱老旄若今時律令年未滿八歲八十以上非



手殺人他皆不坐 漢書刑法志孝景後三年詔曰  
年八十以上八歲以下及孕者未乳師朱儒當鞠繫  
者頌繫之孝宣元康四年詔曰自今以來諸年八十  
非誣告殺傷人它皆勿坐成帝鴻嘉元年定今年未  
滿七歲賊鬪殺人及犯殊死者上請廷尉以聞得減  
死合於三赦幼弱老眊之人

司約大約劑書于宗彝注大約劑邦國約也書於宗廟  
之六彝欲神監焉 祭統衛孔悝之鼎銘悝拜稽首  
曰對揚以辟之勤大命施於烝彝鼎注言我將行君  
之命又刻著於烝祭之彝鼎彝尊也周禮大約劑書

於宗彝

小約劑書于丹圖注春秋傳曰斐豹隸也著於丹書今俗語有鐵券丹書豈此舊典之遺言 孔穎達疏近世魏律緣坐配設爲工樂雜戶者皆用赤紙爲籍其卷以鉛爲軸此亦古人丹書之遺法 說文系部粹籀文繪楊雄以爲漢律祠宗廟丹書告據此則丹書爲丹繪矣惠士奇引或說云丹圖者丹繪也

司盟北面詔明神注明神神之明察者謂日月山川也 覲禮禮日於南門外禮月與四瀆於北門外禮山川邱陵於西門外注盟神必云日月山川焉者尙著

明也詩曰謂予不信有如皦日春秋傳曰縱子忘之  
山川鬼神其忘諸乎此皆用明神爲信也 案鄭君  
不云天地之神而云日月山川者覲禮注云上下之  
神非天地之至貴者也故以日月山川等解方明之  
神

職金揭而璽之注今時之書有所表識謂之揭槩 漢  
讀考說文木部揭字下曰揭槩也然則揭槩漢時語  
說文無槩篆者漢時俗字也槩卽箸之俗字上文云  
揭書其數量以著其物是也飛鵬案玉篇木部槩字  
下云揭也集韻槩下引博雅云杙也

川金石注用金石者作槍雷椎梲之屬 釋文雷劉音  
誅沈云當爲碯郎對反梲宅耕反本又作梲 漢讀  
攷梲說文作杙槿也從木丁聲唐初釋元應曰敞敦  
梲杙四形同丈衡切今本釋文訛作梲集韻收梲入  
十三耕誤也 案集韻出杙字云中莖切伐木聲又  
出杙梲敦梲敦五字云除耕切說文槿也或作梲敦  
梲敦疑元應所云敞敦梲杙敞爲敦之誤集韻收梲  
入耕韻與釋文梲宅耕反正合

司厲其奴男子入于罪隸女子入于舂槩注鄭司農云  
今之爲奴婢古之罪人也元謂奴從坐而沒入縣官

者男女同名 惠氏古義高誘曰漢律坐父兄沒入  
爲奴魏志毛玠傳漢律罪人妻子沒爲奴婢黥面說  
文曰男入罪曰奴女入罪曰婢風俗通曰古制本無  
奴婢卽犯事者或原之減者被減罪沒入爲官奴婢  
獲者逃亡獲得爲奴婢也 漢制攷史記索隱云夏  
家王畿內名縣內卽國都也王者官天下故曰縣官  
司圉任之以事注鄭司農云若今時罰作矣 漢制攷  
史記馮唐傳雲中寺守魏尙削其爵罰作之

掌囚凡有爵者與王之同族奉而適甸師氏以待刑殺  
文王世子公族其有死罪則磔於甸人其刑罪則

織剝亦告於甸人公族無宮刑 鄭駁異義云凡有

爵者與王同族大夫以上適甸師氏令人不見是以

云刑不上大夫

曲禮疏

掌戮殺王之親者辜之注辜之言枯也謂磔之 惠氏

古義荀子正論云斬斷枯磔注云韓子曰采金之禁

得而輒辜磔辜卽枯也又莊子有辜人巫咸文云暴

虐不姑姑與枯通易大過之九二云枯楊生荑鄭讀

枯爲姑姑謂無姑山榆是辜枯姑三字古皆通也

髡者使守積注鄭司農云髡當作完謂但居作三年不

虧體者也 漢書張蒼等請定律曰諸當髡者完爲

城旦春飛鵬案此司農所據

司隸帥其民而搏盜賊注民五隸之民也 士喪禮下  
篇曰隸人涅廁注隸人罪人也今之徒役作者也疏  
知隸人罪人者案周禮司厲職云其奴男子入于罪  
隸則中國罪人對夷隸蠻隸貉隸之等是征四夷所  
得也故鄭舉漢法今之徒役作者也 案旣夕注專  
以隸人爲罪隸不及四翟之隸胡氏匡衷云周禮五  
隸之下各有隸民此隸人蓋五隸之民君使之來其  
役事者也鄭注序官貉隸云凡隸衆矣此其選以爲  
役員其餘謂之隸民蓋統五隸而言也

凡封國若家牛助爲牽徭 詩黍苗我車我牛箋云修  
謝轉餽之役有將車者有牽傍牛者疏旣云將車者  
車中有牛而將之而別云牽傍牛者此牛在轅之外  
不在轅中故別牽傍之

野廬氏掌達國道路至于四畿 荀子王制篇修探清  
易道路謹盜賊平室律以時順修使賓旅安而貨賄  
通治市之事也注此皆周禮野廬氏之職今云治市  
蓋七國時設官不同治市之官兼掌道路不必全依  
周禮制

蜡氏掌除骴注月令曰掩骼埋胔骨之尙有肉者也及



禽獸之骨皆是 說文𩚑鳥獸殘骨曰𩚑𩚑可惡也  
或從肉

凡國之大祭祀令州里除不蠲 荀子王制篇修採清  
注採謂採去其穢清謂使之潔清皆謂除道路穢惡  
也周禮蜡氏掌除𩚑凡國之大祭祀令州里除不蠲  
雍氏春令爲阱獲注阱穿地爲塹所以禦禽獸其或超  
踰則陷焉世謂之陷阱獲柞鄂也堅地阱淺則設柞  
鄂於其中 惠士奇曰戰國策云人有置係蹄者而  
得虎延叔堅曰係蹄獸絆也是爲柞鄂魯語云設穽  
鄂注云鄂柞格所以誤獸也一名蹊以羈獸足飛鵬

案說文网部云翼网也從网異聲或從足巽逸周書  
曰不卵不蹊以成鳥獸翼者續獸足故從足

司寤氏掌夜時注夜時謂夜晚早若今甲乙至戊 案  
疏云甲乙則早時戊亥則晚時以戊爲戌之誤也漢  
制攷引西域傳杜欽曰斥候士五分夜擊刁斗自守  
注夜有五更故分而持之天文志有甲夜乙夜衛宏  
漢書儀晝漏盡夜漏起省中用火中黃門持五夜甲  
夜乙夜丙夜丁夜戊夜相傳授守火臥內戶外鼓五  
止宮中衛官城門擊刁斗傳五夜百官各徼直符行  
衛士周廬擊木柝唯呼備火漢讀攷引九經三傳沿

革例曰各本作甲乙至戊獨蜀本作戊據此則疏因傳寫之訛而釋以甲乙則早時戊亥則晚時其實非也宜從蜀本訂正

以詔夜士 干寶注今都候之屬

劉昭續漢志注

續漢志左

右都候各一人六百石

司烜氏掌以夫遂取明火于日以鑒取明水于月注夫遂陽遂也鑒鏡屬取水者世謂之方諸 淮南子陽燧見日則燃而爲火方諸見月則津而爲水許慎注諸珠也方石也以銅盤受之下水數升高誘注陽燧金也取金杯無緣者熱摩令熱日中時以當日下以

艾承之則燃得火也方諸陰燧大蛤也熟磨令熱月  
盛時以向月下則水生以銅盤受之下水數滴 惠  
士奇云高堂隆謂陽符取火陰符取水名曰水火之  
鏡千寶謂五月丙午日中鑄陽燧十一月壬子夜半  
鑄陰燧而陰燧無得水之理其說皆非又曰司烜之  
烜一作燥一作焔燥爲楚語焔乃齊言燥讀爲貨焔  
讀若毀韓詩王室如焔毛詩作燬然則燥焔燬烜皆  
通矣

邦若屋誅注屋讀如其刑劓之劓劓誅謂所殺不於市  
而以適甸師氏者也 漢讀攷周易釋文曰渥鄭作

劇音屋賈公彥云鄭義以爲餽美饌鼎三足三公象若三公傾覆王之美道屋中刑之然則鄭以屋中刑之釋劇鄭所傳費氏易實作劇故此注周禮易屋爲劇釋劇爲殺不於市而於甸師氏也飛鵬案晁氏古周易引京房說刑在垣爲劇與鄭義異

條狼氏掌執鞭以趨辟注趨而辟行人若今卒辟車之爲也續漢書志大使車立乘駕駟從伍百環弩十二人辟車四人

誓馭曰車轅注車轅謂車裂也說文轅車裂人也惠士奇曰春秋桓十八年齊襄轅高渠彌於首止宜

十一年楚莊轅夏徵舒於栗門皆紱君之賊也齊楚討而轅之以徇焉先王之法也襄二十二年楚殺令尹子南而轅觀起觀起者子南之私也子南得罪觀起車裂則凡不臣者皆轅之不獨殺君之賊矣

修閭氏掌比國中宿互櫟者注故書互爲巨鄭司農云巨當爲互謂行馬所以障互禁止人也 案互卽桂桓之桓說文云桓行馬也惠士奇引說文云迎互令不得行木如蒺藜上下相矩形若犬牙左右相制所以禁止行人

冥氏若得其獸則獻其皮革齒須備注鄭司農云備謂

搔也 釋文搔音爪 惠士奇曰備讀若采說文采  
辨別也象獸指爪分別也讀若辨番下云獸足謂之  
番從采田象其掌采訛爲備聲之誤也

翼氏各以其物爲媒而持之注置其所食之物於絹中  
鳥來下則持其腳 惠士奇曰絹當作纒俗省爲絹  
其音同也不徒係獸兼可羅鳥太元曰揮其羣絕其  
絹西京賦所謂宜羅縞結者卽此飛鵬案說文罔部  
無絹字纒卽縞也

薙氏夏至而夷之注夷之以鉤鎌迫地芟之也 漢  
讀攷經注雉之今本皆作夷之非是司農從夷鄭君

從雉司農本作夷氏夏日至而夷之鄭君本作雉氏  
夏日至而雉之月令燒雉行水注引夏日至而雉之  
爲證其明驗也禮記正義引夏日至而夷之又引皇  
氏曰夷音雉是皇侃時字雖誤而音不誤勝於陸德  
明矣

秋繩而芟之注含實曰繩 釋文繩音孕 惠氏古義  
云繩當爲麗字之誤也管子五行篇麗婦不銷弃注  
云麗古孕字大元馴首曰麗其膏人一月而膏麗與  
麗同玉篇云麗或孕字汗簡云古文尙書以麗爲孕  
飛鵬案廣韻云麗孕也訓其義曰孕不以麗爲卽孕



字集韻則麗孕並出云妊也或作孕

紹基案說文麗爲蠅省聲蠅蟲

之大腹者鄭君訓含實陸氏音孕得古六書意矣

若欲其化也則以水火變之注謂以火燒其所芟萌之草已而水之則其土亦和美矣 序官薙氏注月令曰燒薙行水謂燒所芟草乃水之 稻人凡稼澤夏以水殄草而芟夷之注將以澤地爲稼者必於夏六月之時大雨時行以水病絕草之後生者至秋水涸芟之明年乃稼 案月令注欲稼萊地先薙其草草乾燒之至此月大雨流水潦畜於其中則草死不復生而地美可稼也薙人掌殺草曰夏日至而薙之又

曰如欲其化也則以水火變之是先火後水謂萊地也稻人注先水後火謂澤地也雜氏注先火後水與月令同蓋亦主萊地而言

翦氏以莽草熏之注莽草藥物殺蟲者以熏之則死

惠士奇曰山海經朝歌之山有草焉名曰莽草可以毒魚葦山有木狀如棠而赤葉名曰苾草可以毒魚莽轉爲苾語有輕重耳郝懿行注中山經云苾又通作蔦水經夷水注云邨人以蔦草投淵上流魚則多死飛鵬案据此則能毒魚者亦或能殺蟲也

赤友氏除其狸蟲注狸蟲蜃肌蛛之屬 惠士奇曰廣

雅負蟻廬也蛛蛟螭蛛也本草廬名土鼈博物志曰  
蛛蛟溺人景隨所著生瘡盧氏曰塗以雞腸草段氏  
曰治以莎衣結說林訓曹氏之裂布蛛者貴之高誘  
注曹布燒以傅蝥蛛瘡則愈蝥蛛卽肌蛛也陸佃埤  
雅廬逢申日過街造化權輿曰短狐射氣蛛蛟遺溺  
稽聖賦所謂蛛旋於影蛟射於光氣感使然莫或知  
之矣

壺涿氏若欲殺其神則以牡樺午貫象齒而沈之注杜  
子春云梓當爲樺樺讀爲枯枯榆木名爾雅釋木  
無姑其實夷郭注無姑姑榆也生山中葉圓而厚剝

取皮合漬之其味辛香所謂蕪荑 顏師古急就章  
注蕪荑無姑之實無姑一名棒榆 惠士奇曰實者  
爲無姑不實者爲牡棒猶牡鞠之不花者也易枯楊  
康成讀枯爲姑蓋枯卽棒之省 案掌戮注辜之言  
枯也則枯棒爲同音通用字

庭氏掌射國中之天鳥 馬融傳國中天鳥梟鴟惡聲  
之鳥也 御覽

若不見其鳥獸則以救日之弓與救月之矢射之 馬  
融傳獸虎狼嗥鳴也救日食則伐鼓北面射太陰救  
月蝕則伐鼓南面射太陽以此弓矢射之 御覽

伊耆氏共其杖咸注咸讀爲函 惠氏古義咸與函通  
毛詩巧言曰僭始旣涵韓詩作旣減減猶涵也司馬  
相如封禪文云上咸五下登三徐廣曰咸一作函漢  
書天文志閏可械劍蘇林曰械音函

共王之齒杖注鄭司農云謂年七十當以王命受杖者  
今時亦命之爲王杖 校勘記云盧文弨曰續漢禮  
儀志作玉杖玉字恐訛漢制攷亦作王杖名之曰王  
者榮所賜也又云按玉字是也禮儀志養老條中三  
老冠進賢扶玉杖卽此也作王杖不辭杖飾以鳩鳩  
以玉爲之故曰玉杖飛鵬案前說是也先鄭云今時

亦命之爲王杖蓋承上文以王命受杖者而言以王命受杖者故曰王杖王充謝短篇曰七十賜王杖御覽杖部引續漢書曰孟秋之月按戶比民年七十者授之以王杖九十禮有加賜王杖長九尺則王杖王杖判然矣

大行人秋覲以比邦國之功注秋見諸侯則比其功之高下 惠士奇曰覲之言請也漢律春曰朝秋曰請言請臯也覲禮三享畢侯氏乃右肉袒於廟門之東入門右北面立告聽事注云右肉袒者刑宜施於右也秋覲以比邦國之功言校比其功以行黜陟告聽

事者告王以比功之事言無功當黜宜退受刑右內  
袒非請臯而何詩曰歲事來辟勿于禍適此覲禮請  
臯之詞

時會以發四方之禁注時會卽時見也無常期 惠士  
奇曰左傳昭十有三年叔向曰諸侯歲聘間朝再朝  
而會再會而盟杜氏云三年一朝六年一會十二年  
一盟凡八聘四朝再會王一巡守盟于方嶽之下孔  
氏曰大宗伯云時見曰會殷見曰同鄭氏以爲時見  
無常期非也時見者謂再朝而會殷見者謂再會而  
盟尙書周官曰六年五服一朝又六年王乃時巡飛

案周官  
偽書

大行人亦云十有二歲王巡守殷國所謂侯服歲一見者乃遣使貢物非親朝也然周官云六年一朝而左傳云六年再朝二說亦未符合特以時會爲再朝之會殷同爲再會之盟可與鄭注並存以備一說昭三年傳子太叔曰文襄之霸也諸侯三歲而聘五歲而朝有事而會不協而盟說者以爲叔向言王制而游吉言霸主之法然會盟無常期合於周官矣

問問以諭諸侯之志 異義公羊說天子無下聘義周禮說問問以諭諸侯之志謹案禮臣疾君親問之天



子有下聘之義從周禮說

王制疏

立當車軹注鄭司農云車軹軹也

漢讀攷云此注當

云車軹轉也乃合大馭注云軹謂兩轉也少儀注云軌與軹於事同謂轉頭也皆以此軹別於考工記參分較圍去一以爲軹圍之軹

立當前疾注前疾謂駟馬車轅前胡下垂柱地者惠

士奇曰前疾論語邢昺疏引周禮作前侯云侯伯立當前侯胡下又小雅蓼蕭章孔疏引大行人亦作前侯蓋說文疾作疾古文侯作侯相似易亂故前侯訛爲前疾賈疏不詳莫能辨正俗本流傳誤人久矣又

案許叔重說文引周禮作前軌云軌車軾前也音範詩小戎陰鞞毛傳云陰揜軌也孔疏謂以板木橫側車前陰映此軌故謂之陰考工記軌前十尺謂軾前曲中下垂柱地如人之頸故謂之侯侯猶胡也故鄭注訓爲胡以其在軌前故曰前侯然則陰也侯也胡也皆前軌之名揜軌曰陰曲中曰侯下垂曰胡總名爲軌當依說文定作軌則前衡後軾而軌在其間出入三積 趙商問大行人職曰孤出入三積此卽與小國同宜應視小國之君何須特云三積與例似錯荅曰三積者卿亦然非獨孤也故不在視小國之中

與例似錯何所據也

本疏

其他皆眡小國之君 趙商問大行人職曰凡大國之孤執皮帛所尊眾多下云其他眡小國之君以五爲節今此亦五下云諸侯之卿各下其君二等以下注云公使卿亦七侯伯亦五子男三不審大國孤五而卿七何荅曰卿奉君命七介孤尊更自特見故五介此有聘禮可參之未之思邪反怪此更張擯介又繼小國之君非私覲也

本疏

邦畿方千里其外方五百里謂之侯服注此六服去王城三千五百里相距方七千里公侯伯子男封焉其

朝貢之歲四方各四分趨四時而來或朝春或宗夏  
或覲秋或遇冬 疏云按馬氏之義六服當面各四  
分之假令侯服四分之東方朝春南方宗夏西方覲  
秋北方遇冬南方侯服亦然西方北方皆然甸服已  
外皆然覲此注似用馬氏之義者飛鵬案詩正義云  
說周禮者賈逵以爲一方四分之或朝春或覲秋或  
宗夏或遇冬藩屏之臣不可虛方俱行故分趨四時  
助祭也馬融以爲在東方者朝春在南方者宗夏在  
西方者覲秋在北方者遇冬是由經無正文故先儒  
爲此二說鄭於大宗伯注云六服之內四方以時分

來或朝春或宗夏或覲秋或遇冬名殊禮異更遞而徧秋官大行人注云六服以其朝歲四時分來更遞而徧二注並言分來則是從賈之說一方而分爲四時也韓侯雖是北方諸侯其在北方爲西徧蓋於時分之使當秋覲據此則鄭此注云四方各四分趨四時而來亦從賈說與馬異義秋官疏所稱馬氏義與賈景伯之說無別恐非不若孔疏之明晰也

十有二歲王巡守殷國注王巡狩諸侯會者各以其時之方書曰遂覲東后是也其殷國則四方四時分來如平時 崔靈恩云取歲星一周天道之備數 義

宗云唐虞五載巡狩一嶽二十年方徧四嶽周則四十八年矣若一出四嶽皆徧且闕四時祭享唐虞衡山爲南嶽周氏霍山爲南嶽其制吉行五十里若以二月到東嶽五月到南嶽八月到西嶽十有一月到北嶽路程遼遠固不必及此知每至一嶽卽歸斯義爲長也

通典

賢基謹案宗伯疏云王無故則巡狩

殷見曰同及大行人云殷國是也若王有故則此云皆同來言殷國者衆來見於王國其事一也據此則巡狩與殷國有別殷國與殷見無別此注云其殷國則四方四時分來如平時者蓋謂宗伯職所云春見曰朝夏見曰宗秋見曰覲冬見曰遇者皆平時見王之禮故曰如平時彼注云六服之內四方以時分來彼疏云殷見曰同春則東方六服盡來夏則南方六服盡來秋則西方六服盡來冬則北方六服盡來正

釋其義與此疏云分四方各隨  
春夏秋冬如平時無異義也

凡諸侯之邦交 鄭駁異義曰周禮諸侯之邦交歲相

問也殷相聘也世相朝也無異同親疏之數

王制疏

殷相聘也注司農說以春秋傳曰孟僖子如齊殷聘是  
也 服虔注左傳曰殷中也自襄二十年叔老聘於  
齊至今積二十年故中復修盛聘之禮

小行人秋獻功注若今計文書斷於九月其舊法 盧

植曰計斷九月因秦以十月爲正故

劉昭續漢志注

合六幣圭以馬璋以皮璧以帛琮以錦琥以繡璜以黼  
注六幣所以享也五等諸侯享天子用璧享后用琮

其大各如其瑞皆有庭實以馬若皮皮虎豹皮也用圭璋者二王之後也二王後尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫類聘亦如之 案玉人云璧琮九寸諸侯以享天子璆琮八寸諸侯以享夫人知五等諸侯享天子皆用璧享后皆用琮諸侯自相享則用璆璧琮鄭云用圭璋者二王之後又云子男於諸侯享用琥璜禮無明文蓋以禮意推之也因諸侯之享天子享后用璧琮而上推



之故曰二王之後用圭璋因子男之享天子享后亦用璧琮而下推之故曰子男於諸侯享用琥璜然攷之禮器琥璜爵注云天子酬諸侯諸侯相酬以此玉將幣也疏云天子饗諸侯或諸侯自相饗行禮至酬時則有幣將送酬幣又有琥璜之玉將幣故云琥璜爵也崔氏云諸侯貴者以琥賤者以璜則公侯以琥伯子男以璜也據此則天子饗諸侯諸侯自相饗皆有琥璜以將幣幣蓋卽繡黼之屬惠士奇云終南諸侯受顯服曰黻衣繡裳采菽命諸侯曰元袞及黼此王賜繡黼之文 禮經釋例諸侯使人於卿大夫皆

束帛如周禮孤之摯蓋盛其禮加於卿一等聘禮郊  
勞歸饗餼問卿及夫人使下大夫歸禮皆是也私覲  
及面卿皆用束錦者奉其君命而來不同於自相見  
故不用其摯如羔雁  
雉之類而用束錦下束帛一等也蓋束  
帛則加璧束錦則加琮琮下璧一等則束錦亦下束  
帛一等也飛鵬按此則帛與錦判然若如禮說所據  
士昏禮注古文錦皆作帛而云古錦帛通故不曰錦  
而皆曰帛則是帛與錦無殊此經何必別言之曰璧  
以帛琮以錦乎竊謂帛與錦當亦從散文則通對文  
則異之例

司儀皆旅擯注旅讀爲鴻臚之臚臚陳之也賓之介九人使者七人皆陳擯位不傳辭也聘禮卿爲上擯大夫爲承擯士爲紹擯擯者出請事注擯爲主國之君所使出接賓者也紹繼也其位相承繼而出也主君公也則擯者五人侯伯也則擯者四人子男也則擯者三人聘義曰介紹而傳命君子於其所尊不敢質敬之至也旣知其所爲來之事復請之者賓來當與主君爲禮爲其謙不敢斥尊者啓發以進之於是時賓出次直闌西北面上擯在闌東闌外西面其相去也公之使者七十步侯伯之使者五十步子男之

使者三十步此旅擯耳不傳命上介在賓西北東面  
承擯在上擯東南西面各自次序而下末介末擯旁  
相去三丈六尺上擯之請事進南面揖賓俱前賓至  
末介上擯至末擯亦相去三丈六尺止揖而請事還  
入告于公此三丈六尺者門容二轍參个旁加各一  
步也飛鵬案聘禮謂諸侯之於聘賓則旅擯也此經  
云諸公相爲賓而亦旅擯者五積三問再勞皆使卿  
大夫致之故也

交擯注交擯者各陳九介使傳辭也 覲禮嗇夫承命  
告于天子注嗇夫蓋司空之屬也爲末擯承命于侯

氏下介傳而上上摯以告天子天子見公摯者五人  
見侯伯摯者四人見子男摯者三人皆宗伯爲上摯  
聘禮摯者出請事注天子諸侯朝覲乃命介紹傳  
命耳其儀各鄉本受命反面傳而下及末則鄉受之  
反面傳而上又受命傳而下亦如之張爾岐曰諸侯  
朝天子受享於廟或諸侯自相朝則摯受命而出遞  
傳於介介傳於賓介又受賓之辭遞傳於摯摯又傳  
而入謂之交摯此介紹傳命法也

賓亦如之注賓當爲儔謂以鬱鬯禮賓也上於下曰禮  
敵者曰儔禮器曰諸侯相朝灌用鬱鬯無邊豆之薦

謂此朝禮畢僨賓也 禮經釋例凡賓主人行禮畢

主人待賓用醴則謂之禮不用醴則謂之僨聘禮聘

享禮畢賓奉束錦以請覲擯者入告出辭

注客有大禮未有以

待之請禮賓賓禮辭聽命擯者入告宰夫徹几改筵公

出迎賓以入揖讓如初

如聘享時

公升側受几于序端宰

夫內拂几三奉兩端以進公東南鄉外拂几三卒振

袂中攝之進西鄉擯者告賓進訝受几于筵前東面

俟公壹拜送賓以几辟北面設几不降階上荅再拜

稽首宰夫實解以醴加枌于解面枋公側受醴賓不

降壹拜進筵前受醴復位公拜送醴宰夫薦籩豆脯

醢賓升筵擯者退負東塾賓祭脯醢以杞祭醴三庭  
實設降筵北面以杞兼諸觶尙擯坐啐醴公用束帛  
建杞北面奠于薦東擯者進相幣賓降辭幣公降一  
等辭栗階升聽命降拜公辭升再拜稽首受幣當東  
楹北面退東面俟公壹拜賓降也公再拜賓執左馬  
以出上介受賓幣從者訝受馬此主國之君禮賓也  
皆用醴又聘禮郊勞畢聘賓出迎勞者注欲勞者禮  
辭賓揖先入勞者從之乘皮設賓用束錦償勞者勞  
者再拜稽首受賓再拜稽首送幣勞者揖皮出又夫  
人使下大夫勞償之如初又歸饗餼畢出迎大夫注賓

出迎欲  
償之

大夫禮辭許入揖讓如初

如歸饗  
餼時

賓升一等

大夫從升堂庭實設馬乘賓降堂受老束錦大夫止  
賓奉幣西面大夫東面賓致幣大夫對北面當楣再  
拜稽首受幣于楹間南而退東面俟賓再拜稽首送  
幣大夫降執左馬以出又下大夫歸上介饗餼償之  
兩馬束錦又夫人使下大夫歸禮畢賓償之乘馬束  
錦上介償之兩馬束錦此聘賓及上介償主國之使  
者也覲禮郊勞畢侯氏乃止使者使者乃入侯氏與  
之讓升侯氏先升授几侯氏拜送几使者設几荅拜  
侯氏用束帛乘馬償使者使者再拜受侯氏再拜送



幣使者降以左驂出又天子賜舍畢僨之束帛乘馬

又賜侯氏車服畢僨使者諸公賜服者束帛四馬

乘卽

馬僨大史亦如之此皆侯氏僨天子之使者也皆不

用醴經例之分明如此飛鵬案此注云上於下曰禮

敵者曰僨蓋以上文凡諸公相爲賓故云敵者曰僨

引禮器灌用鬱鬯謂僨賓也則用鬱鬯不用醴大行

人注亦曰王禮王以鬱鬯禮賓也與禮經異義

賓使者如初之儀注賓當爲僨勞用束帛僨用束錦

案聘禮賓至于近郊張旌君使下大夫請行反君使

卿朝服用束帛勞上介出請入告賓禮辭迎于舍門

之外再拜賓揖先入受于舍門內勞者奉幣入東面

致命

疏云賓在館如主人故勞者東面向之也

賓北面聽命還少退再拜

稽首受幣勞者出授老幣

注老賓之臣

此使者勞賓用束

帛之證也又云出迎勞者

此聘賓出也

勞者禮辭賓揖先

入勞者從之乘皮設賓用束錦僨勞者勞者再拜稽首受賓再拜稽首送幣勞者揖皮出乃退賓送再拜此聘賓僨使者用束錦之證也

問君客再拜對君問大夫客對君勞客客再拜稽首注

問君曰君不恙乎對曰使臣之來寡君命臣於庭問大夫曰二三子不恙乎對曰寡君命使臣於庭二三

子皆在勞客曰道路悠遠客甚勞勞介則曰二三子甚勞 惠氏古義王伯厚曰此亦見說苑鄭氏所述蓋古禮也賈疏云未知所出何文或云是孔子聘問之辭棟案襄廿七年春秋傳曰仲尼使舉是禮也以爲多文辭服虔云以其多文辭故特舉而用之後世謂之孔氏聘辭此書漢時猶存故鄭引之或說非無據也

致饗餼如勞之禮 按上文云大夫郊勞旅擯三辭拜辱三讓登聽命下拜登受注登聽命賓登堂也疏云下拜登受者下堂拜命訖登堂受幣也此言如勞之

禮則致饗餼亦下拜登受禮經釋例曰聘禮歸饗餼  
大夫東面致命賓降階西再拜稽首卽司儀所云下  
拜也大夫辭升成拜受幣堂中西北面卽司儀所云  
登受也

行夫居于其國則掌行人之勞辱事焉使則介之注使  
謂大小行人也故書曰夷使鄭司農云夷使使於四  
夷則行夫主爲之介元謂夷發聲 惠氏古義案此  
則夷使猶焉使也晉語云焉作爰田焉作州兵淮南  
子云天子焉始棄舟禮記云故先王焉爲之立制又  
云焉使倍之公羊傳云比託始焉爾又云吾將焉致

乎魯國皆訓爲於篆文焉於相似故於亦作焉焉使  
者言於行人之使則爲之介劉氏音焉爲夷非也或  
以焉屬上句尤誤

宰客簋十簋十有二注簋稻梁器也簋黍稷器也 禮

經釋例曰聘禮歸饗餼堂上八簋黍其南稷錯西夾

六簋黍其東稷錯

東夾亦如之

公食大夫禮正饌宰夫設

黍稷六簋是諸侯盛黍稷之器謂之簋也聘禮歸饗

餼堂上兩簋梁在北

注簋不夾簋者梁稻加也

西夾兩簋梁在西

東夾亦如之

公食大夫設加饌宰夫授公飯梁公設之于

涪西又云宰夫膳稻于梁西又云賓坐席末取梁卽

稻祭于醬涪間又云賓北面自間坐

注自間坐由兩僕之間也左

擁簋梁右執涪以降公食大夫記簋有蓋冪注稻梁將食乃設去會于房蓋以冪是盛稻梁之器謂之簋也士盛黍稷之器亦有用簋者特牲祭畢餼佐食分簋釶注敦有虞氏之器也周制士用之變敦言簋客同姓之士得從周制耳是也飛鵬案鄭此注據禮經而言說文云簋黍稷方器也簋黍稷圓器也蓋散文則通

掌訝賓入館次于舍門外待事于客注待事于客通其所求索案聘禮記云賓卽館訝將公命疏引此經

及注爲證而云彼謂天子有掌訝之官共承客禮此諸侯使無掌訝是以還遣所使大夫士訝將公命有事通傳于君據此記則諸侯之待事于客者使大夫士之訝爲之此經所謂待事於客者乃掌訝主之故下文疏云天子有掌訝之官卽館之訝餘事皆掌主之惟朝覲聘問之日使卿大夫訝也

凡賓客卿有大夫訝注此謂朝覲聘問之日王所使迎賓客于館之訝 聘禮厥明訝賓於館注此訝下大夫也以君命迎賓謂之訝訝迎也疏案周禮有掌訝中士八人爲之此訝下大夫非彼掌訝也記云卿大

夫訝大夫士訝士皆有訝此大聘是卿故使下大夫  
訝也



周禮補注卷第五

孫堂

校

全校字